

Arubaanse Courant

Anja 26.

DIABIERNE 19 JUNI 1964

No. 5062.

COOPERACION ESTRECHA ENTRE A.L.M. Y K.L.M.

DEN HAAG, 19 juni.- E deliberacionnan, cu a tuma lugar na Den Haag entre e delegacionnan di e gobiernonan di Antillas Ulandes y Ulanda termina cu alcance di un acuerdo completo, asina e minister Ulandes di transport, caminda, canal y puertonan participa. E resultado aqui ta finalisa un periodo di tres anja den cual tabatin deliberacionnan intensiva entre e dos gobiernonan y KLM tocante asunto di aviacion y tocante futuro explotacion di servicio aerea den e hemisferio occidental.

E puntunan principal di e deliberacionnan tabata establecimiento di un compania Antillana di aviacion y desarollo riba terreno di tarifa pa transport aerea for di Antillas y pa Antillas. Tocante e tarifanan un arreglo mutua pa puntunan di bista di ambos lado, cual ta tene cuenta cu e interesnan di Antillas Ulandes na progreso di turismo pa e islanan.

Tocante establecimiento cu fecha prome augustus di un compania Antillana di aviacion, a worde palabra, den cuadro di e lazonan estrecho y hopi interesnan comun riba terreno di aviacion, entre Antillas Ulandes, Ulanda y KLM, tocante desarollo di un propio aviacion Antillana, cu den estrecha cooperacion cu KLM lo por percursa pa e comunicacionnan aerea riba hemisferio occidental.

Cu e resultadonan aqui di e deliberacion un base nobo sano a worde establece pa explotacion di trafico aereo, di cual Antillas Ulandes ta forma e centro principal. Ademas e acuerdo ta percursa pa continuacion di e bon cooperacion entre e dos paisnan riba terreno di aviacion (tambe den futuro), asina e comunicado di e ministerio menciona ariba ta bisa.

E penultimo deliberacionnan tabata na mei di e anja aqui na Willemstad. E delegacion di Antillas Ulandes tabata bou di direccion di minister president E. Jonckheer y e delegacion di Ulanda bou di presidencia di e secretario di estado di e ministerio di transport caminda, canal y puertonan, senyor De Keyser. E directiva di KLM tabata representa pa senyor ir. Besancon.

BISANOS
"Arubaanse Courant"
ta e unico cu ta den
curazon di Pueblo pa
tur informacion.
Mina Tromp,
Monserat 15-Noord.

Hersengymnastiek di Radio Kelkboom

ORANJESTAD, 19 Juni. - Dos siman pasa a cuminsa na radio Kelkboom un hersengymnastiek entre diferente "Sabionan" di nos isla, kendenan ta combati otro ariba e terreno di sabidoria general. En total tin ochogrupu ta participa. E encuenteronan ta tuma lugar tur diarazon anochi pa nuebe or. Dia Razon ultimo e enfrenta otro den e studionan di Kelkboom e grupo di Accountants Dienst y Brein Bazens. E promer a sali victorioso cu un score di 22 pa 19 punto. Otro siman ta enfrenta otro Eureka y The Slow Thinkers.



SABOR CU NUNCA TA VARIA
IT NEVER VARIES.

DE OLDE MOLDEN A WORDE CERA

ORANJESTAD, 19 juni.- Durante reunion di comisarionan y director di e restaurant na Palm Beach, "De Olde Molen", cual a worde teni diarazon anochi a keda decidi pa sera e restaurant aki entrante ayera. Esaki a worde decidi pa duna gobierno di Aruba, kende a linka un suma di 150.000 den e empresa aki, e oportunidad pa mira kiko nan lo dicidi cu e empresa aki. Ayera mainta e comisarionan y director di e empresa a bolbe reuni bao di guia di senyor J. Eikelenboom representante di gobierno den raad di comisarionan pa tuma desicionnan kiko lo ta e siguiente pasonan en cuestion cu e mulina aki. Manera ta conoci algun accionista den e empresa aki tabata macontento cu e manera cu e restaurant tabata worde explota y alavez tabata teme pa un bancarota, door di cual nan a dicidi pa tuma medidanan pa trece un

cambio den e situacion actual. Mientras cu anteriormente tabata nan intencion di hiba e caso dilanti hues pa apura e investigacion, despues di peticion di senyor Eikelenboom nan a dicidi di warda poco tempo promer cu tuma otro paso. Awor ta asina leeuw cu e restaurant a worde cera y e desicion kiko lo bai haci cu ne tin di worde tuma door di gobierno.

Thelma H. Malinberg, Richard D. Chireno, Norman A. De Cuba, Vianor E. Gonzalez, Maneillo M. Loeffstok, Mario B. Solognier, Filomena P. G. Tromp, Carmen F. Chiquito, Juanita O. Feliciano, Roy A. Nielson, Swinda J. Maduro, Harriette L. Robies, Maxima Werleman y Miriam Geerman. E candidato cu e mihor resultadonan ta vianor E. Gonzalez Z.

DI DOS DIA DI EXAMEN MULO-A

SAN NICOLAS, 19 Juni. - Ayera e di dos grupo di hobenan a pasa nan examen pa mulo na Bonaire Club na San Nicolas. E examen aki ta oral, y no escrito manera nos a publica ayera. Di e binti candidatonan tres no a pasa. E diez siete cu a pasa ta: Elda F. De Cuba, Elga F. Leonardo, Bernadette Werleman,

Olga Orman a gradua como maestra

ORANJESTAD, 19 Juni. - For di Hulanda familia O. Orman di Tanki Leendert a ricibi e feliz noticia cu nan yiu muher Olga Orman di binti anja a gradua na Hulanda como maestra di school. Olga Orman anteriormente tabata un alumna di Maria College. Na Hulanda el a bal school na R.K. kweekschool na Etten, Noord Brabant.



Na anja 1948 West India Mercantile of Aruba Ltd, tambe tabata un di e edificionan cu a bira victima di candela, ora cu teatro Gloria a kima. Ariba e foto na drechi nos ta hanja un bista di e kimamento di WIMCO, Pero despues di e kimamento trabao a continua y dentro di algun tempo a sali un edificio di dos piso for di tera (foto ariba) di cual na e momento WIMCO ta ocupa e parti abao y ariba ta worde alquila pa dos otro empresa. Awor e compania aki ta celebra su 30 anja na Aruba pa mas detalles pag. 4 y 5.



FATUM
Pa tur bo aseguranan
Tel. 1845.

Aruba Agencies kier traha edificio nobo

ORANJESTAD, 19 juni.- E directiva di Aruba Agencies N.V. na Oranjestad a haci un peticion na gobierno pa hanja un parti di e tereno industrial entre Arendstraat y Boulevard na Palm Beach. Arriba e tereno ey nan kier construi un edificio den cual tur e actividadnan di e empresa lo ta concentra.

E pida tereno pidi lo ta mas o menos un cuatro mil metro cuadra y lo ta pa construccion di un edificio grandi di cual, fuera di oficina lo ta tambe deposito di binti pa cuarenta meter, un koelcel di sesenta meter cuadra y un vriescel di mes un grandura. Aruba Agencies cual na e momento tin su articulonan warda den cuatro diferente depositonadiferente lugar, cu esaki e ora, segun directiva ta spera cu nan lo logra warda tur producto bao di propio dak. Interesante ta e plan pa un bottellador. Esaki lo tin di binden e edificio nobo. Pero e plannan en cuestion cu e bottellador no ta cla ainda asina cu e directiva no ta-

bata desea di bisa mas tocante esaki. E edificio nobo arriba e tereno industrial a bira necesario como cu e actual edificio den Nassaustraat ya basta tempo caba a resulta mucho chikito. Y tambe e plannan nobo ta di tal forma cu si ta necesario despues e edificio por worde extendi mas ainda. E lugar nobo lo tin perronan especial pa carga y descarga autonnan, door di cual e carga y descargamento lo por tuma lugar mas liher y mas facil ainda. Aruba Agencies a worde estableci na anja 1951 na Aruba. E capital conhunto di e asociacion tabata na establecimiento 25.000 florin y na e momento ta fl. 285.000.-- di cual fl. 190.000 a worde deposita.



DIA DE LOS PADRES 21 DI JUNI

• HOLOSHI ZODIAC

- * banch' i holoshi
- * lighter pa cigaría
- * pipa
- * estuche pa cigaría y cigá
- * sambechi
- * sigarenknijper
- * mancornia
- * korki di adorno
- * wekker
- * radio transistor portatil.
- * bril di solo
- * verrekijker
- * CAMERA
- * tur cos pa fotografia
- * projector
- * taperecorder



ESAKI TA UN PARTI SOLAMENTE DI E ENORME SURTIDO DI REGALONAN CU CUAL PAPA LO KEDA CONTENTO SIGUR!

KAN n.v.

Tel. 1193 Nassaustraat 47 O' Stad.

E regalo ideal pa..

DIA DI TATA

UN SET DI
HERMENT S.K.



DESCUENTO 10%
RIBA TUR OTRO
REGALO TAMBE

Acudi awe mes na

ARUBA HARDWARE C.V.
(Brenchi)

NOBO NOBO NOBO
NASSAUSTRAT 34

Nos acaba di ricibi especialmente pa bistir di fiesta, bunita kaanchi Brocaat-Jacqar, Dacron, Katuna, Drip-Dry, cu no ta machika, y cu ta laba keda bon. Colornan nobo. Serca nos semper e prijsnan ta mas barata!

Promer resultado

Colegio Arubano

ORANJESTAD, 19 Juni. - Ayera promer resultado e examen di e candidatonan pa H.B.S. -pa e anja aki a worde participa. Di e 14 candidatonan pa a pasa e examen otal tur 14 a pasa cu bon exito. E mihor candidato tabata Dennis J. v.d.Kuip.. E otro nan cu a gradua ta John H. Benita, Irene R. Chal, Hendrik R. Fingal, Elsa T. Hart, Miguel Jose Mansur, Barbara R. Mendes, Henna A.M. Nybroek, Jacobo L. Petrochi, Andries J. Swaen, Humphrey O. van Trikt, Ismael W.F. Wever, Remigio A. R. Wever, Ling Wong. E examen a tuma lugar na colegio Arubano na Mon Plaisir.

elga

GRAN INAUGURACION

DIABIERNE 19 JUNI PA 4.30 P.M.

elga AGENTE DI E MARCANAN MUNDIALMENTE

CONOCI MANERA:

**WESTINGHOUSE
HOOVER
FACIT
TELEFUNKEN
MORPHY RICHARDS**
Y HOPI OTRO MAS.

TA INVITA CORDIALMENTE E PUBLICO
EN GENERAL.

elga NASSAUSTRAT 74 A - TEL. 3293

COMPLETAMENTE AIRE - ACONDICIONADO.

**PAPA MERECE UN REGALO UTIL
DIA 21 DI JUNI!**



**HACI UN SELECCION FOR DI NOS
EXTENSO SURTIDO.**

e. o. nos tin:

*BARBEQUE GRILL
*BARBEQUE SET DI FORKI
*RUGSTOEL.
*REKKI PA DASHI

*JABERA, masha bunita.
*ICE CHEST
*DESKI LAMP

No spera te na ultimo momento, pasa tan pronto posibel na e. o. nos tin:

ACME STORE

San Nicolas.

Tel. 5381-5384.

GRAN PIC NIC

**DIA 21 DI JUNI NA BENEFICIO DI KLEU-
TERSCHOOL DI STA. CRUZ, CUMINZAN-
DO FOR DI 6' or te 12' or P.M.
NA CLUB ESTRELLA**

Cu "Estrella Musical", CAHA DI ORGEL y hopi obsequios di:
FIRMA Jan C. Lacle, Hendrik Croes, La Princesa, La Esperanza
Supermarket (pasashi ida y vuelto pa Colombia.)
Entrada caballeros fl. 2.-- damas fl. 1.--

TA SOLICITA

pa drenta servicio pronto un

BENEDORA

Sin bon referencia inutil pa solicita.
Pa mas informacion acudi personalmente durante oranan di oficina na:

MANHATTAN STORE

Nassaustraat - Oranjestad.

TA BENDE

Un negoshi, bon estableci na San Nicolas.


Pa mas inf: Pasa na Rodgerstraat No. 2, of jama tel. 5230/5335.

Hotpoint

E aircu cu apenas bo ta lende funciona. Masha economico y duradero.



HOTPOINT
E nevera cu e ventananan cu e amanan di cas ta prefera na promé lugar



Emerson

Den diferente modelo portatil y consola. Imagen constante y skerpi riba e pantalla. Ademas nos ta duna un **TRANSFORMER GRATIS**

Welbilt


E stoofnan di mas completo.



cu ta un joya den cada cushina

EASY, e marca specializá den wasmachine. Di e simpel modelonan te na full-automatico.

EASY



Cada comprador di un aparato electrico grandi na **ARUBA TRADING COMPANY** ta ricibi un **CERTIFICADO** cu cual e por compra **GRATIS** pa un cierto balor den cualkier negoshi di **ARUBA TRADING COMPANY**



CHRYSLER AIRTEMP



pa su calidad superior incomparable

No solamente pa e famoso neveranan, pero tambe pa stofzuiger y otro aparatonan electrico moderno.




Electrolux

MEHOR CALIDAD - MEHOR SERVICIO - PRIJSNAN MAS ABAO Y CONDICIONNAN MAS FACIL

ARUBA TRADING COMPANY

Duna papa un regalo util!

UN BOOR OF ZAAG ELECTRICO, UN SET DI SCREW DRIVERS OF OTRO HERMENT CU SEMPER E KIER CUMBRA, PERO NUNCA "tin tempo" pa su mes...



Escohe un herment di calidad for di nos extenso surtido, bishita nos awe mes.

MARIO S. ARENDS N.V.

Dakota Showroom tel. 1175 - 1178

Lucky Strike Building tel. 1174

Pater Tobias Jansen ta sali pa Hulanda

SAN NICOLAS, 19 Juni. - Awe ta sali pa Hulanda Pater Tobias Jansen, kende durante siete anja tabata biba na San Nicolas. Pater Jansen tin setenta y dos anja. Dia ocho di Juni ultimo el a cumpli cuarenta y cinco anja cu e ta trahando den e teritorio aki. Su motibo cu e ta bai Hulanda ta pa salud.

University na Collegeville, Minnesota. E encargo di estudio ta di superiornan religioso. Un otro pater cu pronto lo laga Aruba ta pater Goes, kende dia promer di Agosto lo regresa Hulanda. Su sucesor lo ta pater Koos Jansen, kende ya desde 26 di Juni lo cuminsa su trabao. Pater Jansen tabata traha durante cuater anja den St. Rosa na Corsow.

R.C.A. - B a gana Mariniers 32-18

E quinteto masculino clase B di R.C.A. a obtene dia Razon anochi su quinteto triunfo di e temporada 1964 di basketball, derrotando e team di Mariniers cu score di 32 punto -18. Den e encuentro aki Ronny Kelly di R.C.A. tabata

Pastoor van Baars ta bai studia

SAN NICOLAS, 19 Juni. - Awe ta sali pa Merca pastoor di parokia di San Nicolas, pastoor B. van Baars caminda e lo sigui seis siman di estudio di liturgia. E estudio lo worde sigui na St. Johns

TIJDELIJK
HANDIG
KEUKENDOEKJE
CADEAU
BIJ ELKE BUS VIM



Vim schuimt... en kan niet krassen

esun cu mehor punteria percurando pa exactamente mitud di e total di su team, esta 16. Di e equipo di Savaneta Kamp E, Mo-lag tabata e mihor cu ochopunto. R.C.A. "B" tin awor cinco gana y tres perdi, mientras cu Mariniers tin tres gana y cincoperdi. E segundo partido di e anochitabata di e division di juniors. A -

ruba Jrs a derrota Caribe Jrs. cu score di 50 pa 10 Franky Zaandam cu 26 punto tabata e topscorer di Aruba Jrs y di e partido, y den Caribe Dario Arends tabata e mihor cu cuatro punto. Pa e quinteto di Socotoro esaki ta nan triunfo number cuatro den cinco salida. Cu un wega mas hunga cu R.C.A. Jrs nan a empata cu e -

quipo aki awor den e promer lugar. Caribe tin den cinco salida un triunfo y cuatro derrota. Awe nochi e campeonato ta continua cu dos partido mas ariba e cancha di Aruba Jrs. E promer wega lo ta di e division masculino clase B entre Victoria y Y.M.C.A. y e segundo wega lo ta di damas entre Valliant, cu ta encabesando e division aki y Aruba Jrs.

WIMCO 30 ANJA NA ARUBA

ORANJESTAD - Den diano aki firma Wimco na Aruba ta recorda e hecho, cu e negoshi aki, awor un concepto na Aruba, trinta anja pasa a worde funda como un iniciativa modesto. E tres fundadornan kendenan e tempo ey a stablece e filiaal di Wimco na Aruba den edificio di senyor W.F. Craane den Wilhelminastraat, tabata senyor Moises C. Henriquez, awor defunto senyor Ruben D. Senior y senyor Egon Gerstl kende actualmente ta residente na Estados Unidos. Di e principio modesta aki a crece un empresa fuerte, cu actualmente ta un dje casnan comercial ehemplar cu gran nomber den centro comercial di Oranjestad y na San Nicolas.

DI HERU DI STRIKA TE NA AVION

Di e parti bieauw practicamente no a resta nada mas. E edificio den Wilhelminastraat awor ta den uso di Bouwcrediet Bank, mientras cu WIMCO ta ocupando su di dos edificio den Nassaustraat. Pues na 1948, tempo cu theater Gloria a kima, e edificio di maderu cual Wimco tabata ocupa y cu tabata situa na e mesun lugar di esun den Nassaustraat tambe a bai den vlamnan. Pero Wimco no a baha cabez pa Phoenix y e edificio nobo cu a worde construi ariba shinishi di esun bieauw ariba mas bunita mas moderno y cu hopi espacio. Durante tempo cu e edificio nobo tabata den construccion, Wimco a percursa e servicio na e publico di Aruba por a continua, y nan a ocupa e lugar den Hendrikstraat na unda Joaquim Kelkboom tin un negoshi actualmente. E edificio nobo di Wimco a hanja dos piso, nan mes ta ocupando tur e piso abao, mientras cu e piso ariba ta den huur cu Fatum y Bohama-Aruba N.V.

Wimco tabatin diferente gerente. E prome tabata senyor Moises Henriquez, kende a dirigi e negoshi te na anja 1938. Su sucesor tabata su jiu, senyor Alberto Cohen Henriquez, kende te na cumin-

samento di segundo guerra mundial tabata gerente, y kende actualmente ta director general di Wimco. Senyor Frank Maduro a dirigi e negoshi e siguiente tres anjanan, pa na anja 1948 traha

lugar pa senyor O. Porry kende manera nos ta corda poco tempo pasa a muri completamente inespera. Actualmente direccion di e empresa potente aki ta den man di senyor R.J. Fijnje, un comerciante hoben y energico, kende algun anja pasa a drenta servicio di Wimco como asistente di senyor Porry na Wimco-Aruba. WIMCO, un negoshi cu na 1934 principalmente tabata negoshu den bebida y provisiones, den curso di anja nan a hanja hopi otro linia acerca y na agencianan mas importante di Wimco ta pertenece actualmente, ademas di White Horse, Tennents y Martini cu cual nan a cuminsa tambe, aparatonan electrico di fama mundial General Electric, equiponan comercial Hobart y Berkel, instrumentonan tecnico di Black & Decker, stoffnan Tapan y cosnan asina tambe likeurnan Marie Brizard y diferente otro mas. Ma-



E conocido manager di WIMCO na Aruba señor R.J. Fijnje aki den su oficina atendiendo un di e clientos di negoshinan di su compania.

NOS MEHOR DESEONAN NA DIRECTIVA Y PERSONAL DI WEST INDIA MERCANTILE CO. OF ARUBA LTD.

Carrier

GEBR. V. SWAAY

Fergusonstraat 41 - Dakota - tel. 1878 - 3141

CONSOLIDATED COMM. OF ARUBA

Schelpstraat 7 - tel. 3288

TA FELICITA

WEST INDIA MERCANTILE CO OF ARUBA LTD.

na ocasion di nan 30 aniversario na Aruba.

La Linda

MASHA PABIEN NA DIRECTIVA Y PERSONAL DI

WIMCO

na ocasion di su 30 aniversario na Aruba.

PABIEN!

WIMCO
ARUBA STEAM LAUNDRY AND
DRYCLEANING CO. N.V.

Laundry Contractors and Drycleaners.



Esaki ta general-manager di WIMCO, Sr. Alberto Cohen Henriquez.

nera senyor Fijnje a jega di expresa un biaha: "nos por entrega tur cos for di Heru di strika te na avion" Nos ta kere cu e ta muchu leeuw di esey. WIMCO cu na 1934 a cuminsa cu cuater empleado, a multiplica esaki te na 60 durante e trinta anjanan. Nan multiplicacion di auto tabata mas grandi ainda; nan a cuminsa cu un auto pa awor tin no menos cu dies-cuater vehiculo den servicio! E filiaal situa den B. van der Veen Zeppenfeldstraat na San Nicolas a worde inaugura na 1937. Direccion di e filiaal na San Nicolas actualmente ta den man di senyor Max Croes, Arubaanse Courant na e lugar aki kler desea directiva y personal di WIMCO continuo exito na Aruba, na bienestar general di e pueblo Arubano.

Masha pabien
na
WIMCO

CU SU 30 ANIVERSARIO NA ARUBA.

NOS CORDIAL FELICITACION TA BAI NA WEST INDIA MERCANTILE CO OF ARUBA LTD.

NA OCASION DI NAN 30 AÑA NA ARUBA.
FIRMA PETRONA & CROES
(ARUBA) N.V.

LA ESPERANZA

E supermercadonan mas grandi y mas potente di Aruba ta desea

WEST INDIA MERCANTILE CO OF ARUBA LTD

exitu continuo pa e empresa y

na bienestar di henter e pueblo Arubano.

KNSM



NA OCASION DI 30 AÑA DI STABLECIMIENTO DI FIRMA
WEST INDIA MERCANTILE CO OF ARUBA LTD
 Ta duna su cordial felicitacion na e
 directiva y personal.

**Caribbean Mercantile
 Bank N.V.**

NA OCASION DI 30 ANIVERSARIO DI
**WEST INDIA MERCANTILE CO
 OF ARUBA LTD.**
 CORDIALMENTE TA EXTENDE SU FELI-
 CITACION.

**MASHA
 MASHA
 PABIEN!**



Directiva y personal di
 West India Mercantile Co of Aruba Ltd
 CU CELEBRACION DI 30 AÑA DI STABLE-
 CIMIENTO NA ARUBA.

N. V. FATUM

Nassastraat 60 — Tel. 1845—1283

EMAN TRADING CO. INC.

pa medio di esaki ta extende su sincero
 felicitacion na

**WEST INDIA MERCANTILE CO
 OF ARUBA LTD.**

na ocasion di su 30 aniversario na Aruba.

UN INICIATIVO MODESTO A RESULTA UN
 EXITO GRANDI. MASHA PABIEN'.

Na directiva y personal di

WEST INDIA MERCANTILE CO OF ARUBA LTD.

nos ta desea cu e añanan lo sigui multiplica.

HUBERT SALAS & CO (ARUBA) LTD.

Schelpstraat 6 - tel. 2652

Na directiva y personal di

WEST INDIA MERCANTILE CO OF ARUBA LTD.

nos mas caluroso pabien!

CASA MATIAS

Gruszecki & Sons, Inc.

Schelpstraat 9 - tel. 1166

Aruba Construction Co. Ltd.

Bouwmaatschappij „Aruba” N.V.

herewith congratulates the

WEST INDIA MERCANTILE CO OF ARUBA LTD.

on the occasion of their 30 anniversary in A-
 ruba.



Esakinan ta un parti di e personal di WIMCO na Oranjestad. En total tin na e momento aki como 60
 persona ta traha na e empresa aki. E foto ariba ta muestra nos e.o. bendedornan tras di un showca-
 se di e empresa cu di dos di robes y manager R.Fijnje. E foto abao ta muestra nos e personal en -
 carga mas parti cu asuntonan di oficina cu nan manager (di cinco di drechi) Foto ariba: d.r.p.d. Al-
 fred Oduber, R. Fijnje, Luis Odor, Francisco Acosta, Sra. Tina Paula, Sra. Gladys Hijmering Srta
 Medarda Quant. Foto abao: d.r.p.d. Alfredo Oduber, Francisco Acosta, Sra Maude Malmberg, Sra.
 Sonia Westerburger, Sr. R.Fijnje, Sra. Wanda Tromp, Harold Oduber, Luis Odor, y Herman Paesch.

NA DIRECTIVA Y PERSONAL DI

**WEST INDIA MERCANTILE CO
 OF ARUBA LTD.**

NOS SINCERO FELICITACIONES NA OCA-
 SION DI TRINTA ANIVERSARIO DI STA-
 BLECIMIENTO NA ARUBA.

**Ron rey
 de copas**

ARUBA DISTILLING CO.

Wilhelminastraat 47 - tel. 1266



HOPI MAS AÑA
 ARIBA E TRINTA
 AKI PA

**WEST INDIA
 MERCANTILE CO.
 OF ARUBA LTD.**

ta e sincero deseo
 di un amigo y ser-
 vidor

**Jan Hendrik
 [Yendi] Croes**

Aurora Bar -
 Santa Cruz 85.



**Hallo
Hallo!**

SI TA'SINA MES

**4000
florin**

Ta worde regala
den e concurso
sensacional aki di



REY DE COPAS!



Simplemente duna un number bunita
na e 4 popchinan den Show-window di
oficina di Rey de Copas y gana placa

REGLANAN PA PARTICIPA DEN E CONCURSO

- 1) Entrega 1 botter bashi di Rey de Copas di 1/2 gallon of 2 botter bashi di Ron Rey de Copas di 3/4 liter of 4 botter bashi di Ron Rey de Copas di 24/2 of 8 botter bashi di Ron Rey de Copas di 48/4 na Aruba Distilling Co., Wilhelminastraat No. 47 y bo ta hanja un formulario pa yena bo number y direccion y e nombenan pa e cuater rumannan.
- 2) Entregá e formulario aki yená na oficina di Aruba Distilling Co., Wilhelminastr. No. 47 y percura pa bo recibo, cu ta pega na e mes formulario, ricibi su stempel di entrega.
- 3) Warda dia 22 di agosto 1964 y cobra bo placa si e nombenan cu bo a duna ta e nombenan favorecé.
- 4) E mes persona por yena cuanto formulario cu e ta desea, contal cu e entregá pa cada formulario e cantidad di botter bashi requerido.
- 5) Si tin mas cu un beneficiado, e premio ta ser parti den esnan cu tin e nombenan escogí.
- 6) Exigi pa bo recibo tin un stempel di Aruba Distilling Co.

SEMPER E FAVORITO

RON REY DE COPAS

EL REY DEL TRAGO

NOTA:

Directiva di Aruba Distilling Co. ta e unico entidad responsable pa scogemento di e nombenan. E nombenan aki lo no ser scoge pa suerte y si e number aki ta igual na cualkier number cu surgi pa algun acontecimiento, esaki ta debido na pura casualidad.



REY DE COPAS

ARUBA DISTILLING CO.

Wilhelminastr. 47

Tel. 1266

PROGRAMA DI DECIMO A.S.U. OLYMPIADA DEFINITIVO

(Di Nos Redactor Deportivo)

Nos a ricibi programa di e decimo A.S.U. Olimpiada, cual awor ta di caracter definitivo, y cu lo worde teni for di diarazon dia 1 di juli 1964 te cu dia 12 di juli 1964. Den ocho diferente ramo di deporte lo tin encuentronan cu equiponan di exterior. Pa di promer biaha lo tin participacion di e deportistanan for di nos isla hermana di Bonaire, loke ariba su mes por nifica un estimulo pa e deporte di e isla di flamingo. A worde invita un equipo di futbol di Bonaire y tambe tennistanan. Manera ta conoci e ex-campeon di Corsow Hugo Gerharts ta ariba na Bonaire y ta cu participacion di un oncena di futbol di Bonaire, e deporte di futbol ta haci su retorno ariba programa di e Olimpiada A.S.U. Anta pasa manera nos lectornan por recorda no a worde presenta futbol den e Novena A.S.U. Olimpiada, debi na e anulacion di e afiliacion di AVB cerca ASU. Aruba dia promer di juli, e programa ta cuminsa cu e apertura adicional oficial. Lo tin ariba fecha aki desfile di e diferente delegacionnan deportivo, hisamento di bandera antiano, entrada di sportnan di anja, vuurwerk, discurso di e president di ASU, entrega di e Anjerbeker na e sportnan di anja finalmente presentacion di e candidatanan pa Reina di Deporte.

E parti deportivo ariba e anochi di apertura lo consisti di encuentronan amateur di boxeo. Esaki ta entre boxeadornan arubano y boxeadornan for di Sto. Domingo, den un ocasion anterior nos a publica caba e nomber di e boxeadornan dominicano cu lo bin nos isla. E eventonan aki lo ta den Wilhelmstadion.

E siguiente dia, 2 di juli, lo tin encuentro di volleyball internacional entre Aruba y Pto. Rico ariba cancha di Aruba Jrs. Lo tin partidonan femenino y masculino, mes anochi lo tin den Noord Social Club encuentronan di biljar local. Diabierne dia 3 di juli lo tin encuentronan di volleyball entre Aruba y Puerto Rico atrobe, tanto den division femenino como den masculino. E biaha aki weganan lo tuma luga ariba cancha di Estrella na Sta. Cruz.

E actividadnan ariba e di cuater dia di e Olimpiada, diasabra dia 4 di juli, ta cuminsa 3.30 di atardi cu encuentronan di esgrima den Eagle Club. Esakinan lo ta di caracter local. Den Club di Estrella lo tin pa 4^{or} encuentronan di ping-pong tambe di caracter local. Anochi pa 7.30 lo tin den Tanki Leendert Jeugd Centrum encuentronan di judo internacional. Esakinan ta e unico deporte den cual lo tin participacion di tres seleccion tambe ta e unico den cual un representacion di Corsow lo ta en accion.

Manera ta conoci e bond di judo di Corsow no ta afiliá na NAOC, e Comité Olimpico di Corsow pa Antiyas Hulandes. Door di esaki participacion contra di Corsow en e deporte aki ta posibel sin cu esaki ta nifica un infraccion di Resolucion di ASU. Ariba cancha di Lago Sport Park, ariba e mes ora di e anochi, lo tuma luga e ultimo di e serie di weganan di volleyball contra di

lo tin e anochi ey un partido di futbol den Wilhelmstadion.

E ultimo fecha di e olimpiada, diadomingo dia 12 di juli ta cuminsa for di 6^{or} or di mainta cu competencia di skindiving. Na e mes un sitio, Aruba Caribbean Hotel ta cuminsa pa 10^{or} or di mainta landamento y tennis.

Den Wilhelmstadion ta cuminsa e momento ey e segundo partido di baseball contra di Puerto Rico.

Atardi den Wilhelmstadion lo tin e ultimo evento deportivo. Esaki ta e segundo wega di futbol entre Aruba y Bonaire.

Despues di e partido aki lo tin participacion di e eleccion di e Reina di Deporte y coronacion di e Reina nobo.

E clausura oficial di e Olimpiada lo tuma luga despues di esaki. INSCRIPCION PA TROLLING SKINDIVING

Pa por participa den e torneonan di trolling (dia 5 di juli) y skindiving (dia 12 di juli), e interesadonan mester hacian inscripcion cerca señores Edwin de Cuba, Nicky Ecury, of Milo Croes. Pa e trolling donjonan di botop por inscribi pa mas tarda dia 3 di juli, mientras cu pa skindiving por worde inscribi te cu dia 10 di juli.

E eventonan di skindiving lo ta valido pa e preseleccion pa forma e team cu lo representa Aruba den e proximo Torneo Internacional di Trolling y Skindiving den luna di november na nos isla.

Di su acostumbrado diez dianan di duracion e programa e anja aki a worde aumenta cu dos dia mas pa bira un total di diezdos dia. E motiboprincipal pa esaki tabata cu anteriormente tabata tin techanan riba cual tabata tin demasiado eventonan simultaneamente. Ioke tabata haci imposibel pa hanja hopi publico na e eventonan.

Den loke ta concerni weganan internacional, nos por bisa cu e programa ta cumpli hopi awor. Unicamente ariba un fecha nos ta hanja cu na e mes ora tin nada menos cu tres diferente evento internacional. Esaki ta ariba diasabra dia 4 di juli ora cu anochi tin encuentronan di judo, volleyball y softball di caracter internacional.

ATRACTIVO

E Comité Organizador a traha un programa hopi atractivo y e prijsnan di entrada a worde teni mas abao posibel. Pa e eventonan cu ta contra di deportistanan di exterior ta worde cobra f. l.-- pa persona, mientras cu mayoria di e eventonan local ta gratis. Mucha atrobe ta paga mitar prijs di entrada.

Atrobe e actividadnan lo ta den Lago Sport Park e siguiente fecha cu pa 7^{or} or di anochi ta cuminsa encuentronan atletismo y ciclismo local. E promer partido di baseball contra di Puerto Rico lo tuma luga ariba diabierne dia 10 di juli pa 8^{or} or di anochi den Wilhelmstadion.

Diasabra atardi lo tin encuentronan di tennis ariba cancha di Aruba Caribbean Hotel cu participacion di tennistanan for di Bonaire.

Tambe contra di Bonaireonan

Probeta di e oferta especial aki di

Pa cada comprador di un AUTO NOBO OF AUTO SEGUNDA MANO

6 LUNA DI SERVICIO GRATIS NA E AUTO

e.o.:

- * busca y hiba
- * laba y limpia
- * un bez pa luna "polish"
- * grease si ta necesario
- * controle general etc.



Pa bo vacantie, negoshi of placer compra

PRODUCTONAN DI



pa mas informacion acudi na

NEME IMPORT EXPORT CO. N.V.

e auto - dealer, cu ta ofrece bo un seleccion entre mas di 100 modelo.

TEL: 1840 - 1754 - 1775.

HINDERORDERING ARUBA

De wnd. Gezaghebber van het eilandgebied Aruba maakt bekend dat een door Mevrouw Julia Luisa Oliviere-Evertsz ingediend verzoek met bijlagen om vergunning tot het mogen oprichten van een bakkerij in een perceel, gelegen te San Nicolas, Juana Morto 110h, gedurende dertig dagen na heden op het Bestuurskantoor, afdeling Algemene Zaken, ter inzage ligt en dat gedurende deze termijn een ieder mondeling of schriftelijk zijn bezwaren tegen bedoeld verzoek kenbaar kan maken.

HET BESTUURSCOLLEGE VAN HET EILANDGEBIED ARUBA

maakt bekend dat op maandag 20 Juli 1964 om 11.00 uur

OPENBARE AANBESTEDING

wordt gehouden op het kantoor van het Hoofd van de Dienst Openbare Werken voor de levering van:

AUTOBANDEN

volgens leveringsbestek no. 5, 1964.

Inschrijvingsstukken zijn op voormeld kantoor verkrijgbaar tegen betaling van fl. 1.--.

NOS FELICITACION TA BAI NA

WEST INDIA MERCANTILE CO OF ARUBA LTD.

na ocasion di celebracion di 30 aniversario.

WARENHUIS VAN DER REE N.V.



Folks just do what comes naturally..

THEY'RE GOING TO THE BIG SALE AT

MANSUR TRADING CO.

Nassaustr. (now under new management)

NEW ITEMS... NEW BARGAIN... EVERYTHING MUST GO!



HET BESTUURSCOLLEGE VAN HET EILANDGEBIED ARUBA

maakt bekend dat op Maandag 29 Juni 1964 om 11 uur

OPENBARE AANBESTEDING

wordt gehouden op het kantoor van het Hoofd van de Dienst Openbare Werken voor de levering van

5.000 ZAKKEN CEMENT

volgens leveringsbestek no. 4, 1964.

Inschrijvingsstukken zijn op voormeld kantoor verkrijgbaar (tegen betaling van NAfl. 1.-- per stuk.)

AGENDA

ARUBAANSE COURANT

diariamente cu excepcion di
diador:ingo
suscripcion f. 3.25 pa luna
edicion los 20 ct.
edita pa:
N.V. ARUBAANSE DRUKKERIJ
- en UITGEVERS - en PUBLI-
CITEITS MIJ.

Imprimi na:
N.V. DRUKKERIJ
"DE STAD"

Telefoon 1116 Directiva y redac-
cion, 2116 Anuncio y subscrip-
cion.

Directeur hoofdredacteur:
D. Wolff.

POR CUMPRAR ARUBAANSE
COURANT NA E SIGUENTE
LUGARNAN:

NA ORANJESTAD:
BOEKHANDEL MARISKA,
PIET SODA FOUNTAIN,
REFRESQUERIA INGRID.

NA SAN NICOLAS
NICOLAAS STORE,
UNION STORE.

BOTICANAN DI WARDA

Oranjestad Botica
del Pueblo Tel: 1253-2154; San
Nicolas Botica San Lucas Tel:
5119.

CINE

De Veer: 8.30 p.m. "Wederzijds"
Rialto; 8.00 p.m. "Tormented" 18j
Principat; 8.00 p.m. "Operation
Bikini" 18 j
Aurora: 7.30 p.m. "Paul Newman
is Hud" 18 j
Savaneta: 8.00 p.m. "Girls, Girls,
Girls, all.

TELEARUBA

5.30 Cartoons
6.00 Public Service
6.30 Robin Hood
6.45 Papiamento Newscast Live &
Filmnews
7.30 Gunsmoke
7.45 Papiamento Sportnews
8.15 Rufo Wever
8.45 Highway Patrol
9.00 English Newscast Live
& Filmnews
10.00 Perry Mason
10.30 Colonel Flack

RADIO VICTORIA

6.00 Peticiones
6.15 E. Bijbel Habri
6.30 Ultimas Noticias
6.45 Ecos del Cielo
7.15 Bo Musica Favorito
7.45 El camino de Victoria
8.00 Canta Leo
8.15 Mundo Femenino
8.30 Ultimas Noticias
8.45 Musica Di Banda
9.00 Noticias español
9.15 Melodias Del Alma
9.30 Morning Melodies
10.00 World News
10.10 The Bible For You
10.15 Through The Bible
10.45 Organ Music
11.00 Chapel Of The Air
11.15 Novela Cristiana
11.30 Melodias Di Merdia
P.M.
12.00 Ultimas Noticias
12.15 Musica Sagrada
12.24 Thought For The Day
12.30 World News
12.45 Quiet Time

1.00 Radio concert hall
2.00 Reading Room
2.15 Songs of Zion
2.30 Quiet hour
2.45 Radio revival
3.15 World News headlines

3.45 Luz y Berdad
4.15 Ultimas Noticias
4.30 Musica Di Banda
4.45 Noticias Español
5.00 Informacio Di Gobierno
5.15 Palabranan Di Bida
5.30 Unshackled
6.00 World News
6.15 Haven Of Rest
6.45 Listening Post
7.00 Musical Interlude
7.15 Off The Record
7.30 Back To The Bible
8.00 Musical Gems
8.30 Nederlandse Nieuws
8.45 Voor Zijn Glorie
9.00 Klassieke Muziek
10.00 Sign off

RADIO KELKBOOM

7.00 Opening
7.02 Bon dia cu Alegria (Instru-
mental)
7.30 Noticia Internacional (Am-
stel)
8.00 Seleccion musical di dis-
conan Latino Americano.
8.30 Cumpleaños Feliz
9.00 Noticia Social
9.15 Peticiones Pa Telefoon
9.30 Musica Instrumental
10.00 Noticia Internacional
10.05 Ritmos Latinos
10.30 Programa de N. Habibe Jr.
11.00 Noticia Internacional.
11.05 Musica Norte Americana
11.15 Musica Antillana
11.30 Musica Varla
12.15 Noticia Internacional ---
(Schlitz)
12.30 Musica Norte Americana
12.45 Noticia Local (Viana)
01.00 Musica Varla

01.30 Mei ora cu Boleros
02.00 Novela Repeticion
02.30 Verzoekplaten programma
03.00 Kinderprogramma
03.15 Ritmos di Caribe
03.45 La Macorisana & Inter-
national Supermarket
04.00 Musica cu Sabor Azteca
04.30 Noticia Local (Heineken's)
04.45 Cocktail Musical
05.00 Danzones Cubanos
05.15 Musica Varla
06.00 Noticia Deportivo (Gillette)
06.45 Voorlichtings Dienst A.V.D.
07.00 Noticia Internacional na pap.
07.15 Musica na Hulandes
07.45 Musica Norte Americana
(Instr.)

08.15 Novela (Colgate)
08.45 Musica Varla
09.00 Musica Poesia y Compo-
sicion Antillana
09.30 Musica Varla
10.00 Sluiting.

RADIO CARACAS TELEVISION

8.45 Senderos de luz
9.00 T.V. Educativa
10.30 Cosas de mujeres
11.15 El hogar y la moda
11.45 Novela
12.00 Noticias
12.05 Show de Renny
13.15 Se necesita una amiga
13.35 Cortos
14.00 Yo se lo vendo
14.30 Documental
15.00 Estudio de Hector Monte-
verde
15.30 Perfecta ama de casa
16.00 Mejlas y sus muchachos
16.45 Busque su marca
17.30 Super Car
18.00 Dan Bravene
19.00 Trama
19.00 Trama 30
19.30 La Ley del revolver
20.00 El observador Creole
20.45 Pete y Gladys
21.45 Victoria en el mar
21.45 Las enfermeras
22.45 Noticias
23.00 Cine Americano

CUMPLEANJOS

Dia 16 di Juni a cumpli anja An-
tolino Ridderstaat, felicitacion ta
bini di su estimada esposa Loren-
cia, junan. David, Edwin, Rudolf,
suegran Agustin y Tibida, ru-
manan Emilia, Jacobo, Joseph,
Theodora, y Juanita, swanan y
cunjanan, 12 lhanan y demas famia
Farro, Giel, Ridderstaat, Hoek,
Tromp.

Dia 18 di Juni a cumpli 4 anja
hobencita Emoray Melania Ma-
duro, felicitacion ta bini di su
tata Ireo, mama Martha, ruman
Erwin, wela y welonan, omo y
tantanan, madrina Regina Pine-
do, padrino Wilfred Schoop y de-
mas famia Maduro, Dirksz, Pi-
nerlo y Schoop.

Heineken's a gana di Winston 3-2

Pa un carrera di diferencia, e no-
vena AA di Heineken's a obtene
dia Mars anochi un triunfo riba e
equipo di Winston. E partido cu a
termina cu anotacion di 3 pa 2 ta
bata hopi interesante. E novena
cervecero a pika adilanti cu un
carrera. Winston a responde anen-
tando un tambe pa empatar e parti-
do. E storia aki a ripiti algun in-
ning despues ora cu Heineken's ta
bolbe anota uno y Winston ta bolbe
empata, e biaha aki na 2-2. Luego
pa di tres biaha Heineken's taba
ariba cu un carrera 3-2. Y den e
octavo inning e ventaha minimo a-
ki di Heineken's taba amenaza a-
trobe ora cu Winston sin out ta pone
homer na primera y segunda.
A sigi un hit di Yonko Alberts, pe-
ro e corredor na segunda ta worde
saka na home. Esaki tabata repre-
senta e carrera cu lo a empatar e
wega pa di tres biaha. E partido a
caba cu score di 3 pa 2. Heine-
ken's a conecta cuater hit y a co-
mete un error. Winston tabata tin
cuatro hit tambe, pero a comete
dos error. Pitcher ganador tabata
Simeon Bryan, kende asina ta con-
verti su mes den realmente un all-
around. E pelitero aki ta ocupa
cualkier puesto den infield y den
outfield y awor a worde converti
den pitcher tambe. Pitcher perde-
dor tabata Yonko Alberts. Cu e
triunfo aki Heineken's a pasa pa

e promer puesto empatando cu
Esso ya cu cada uno tin awor tres
gana cero perdi. Dia Domingo a-
wor e dosnan aki lo topa otro pa di-
cidi ta cual lo termina e promer
rond den e promer puesto. Tur cos
ta muestra cue anja aki, mescos cu
anja pasa, e dos equiponan aki lo ta
e mas fuerte contendornan pa e
puesto titular atrobe. E posicion
di e equipo AA ta awor lo siguiente

CLUB	WG	WP	WA
Esso	3	0	--
Heineken's	3	0	--
Winston	2	2	1 1/2
Zenith	1	3	2 1/2
Verf. Antillana	0	4	3 1/2

Sociedad serito estableci awor

ORANJESTAD, 19 Juni. - Awor a
keda aproba e statutanon di "So-
ciedad Serito" cual dia 21 di
maart ultimo di e anja a worde
funda na Aruba. Aki ta tratadi un
organizacion cu ambicion pa yu-
da un y otro. Senyor R.A. Chin-A
Loi ta presidente, senyor L. Peter
vice presidente, senyor W.R.
German secretario, senyor H.
Wernet tesoroero y senyor L.
Greaux comisario.

Horoscopo personal

ARIES-21 di maart - 20 di april
Talves bo mester lucha pa e
cosnan cu bo ta desea. Mantene
bo propio normanan y aunque bo
perde lo bo sali ganando mas
den laat.

TAURO-21 di april - 21 di mei
E prijs di bo tempu y esfuerso
quizas no ta suficiente. Si bo
no por exigi plaka, pidi pa nan
reconoce bo meritonan abiertamente.

GEMINIS-22 di mei - 21 di jun
Un demostracion di persisten-
cia na lugard di mal tempera-
mento lo osequa Geminis loke
e ta desea e dia aki.

CANCER-22 di juni - 23 di jul
-Bo por saltea cualquier posi-
bilidad di cu nan lo cohe bo
cables abao y mantene bo mes firme
den bo idealnan.

LEO-24 di juli - 23 di augus-
tus-Corda esaki, cu un plan
por tin exito, anto e mester
ta bon for di principio. Recti-
fica bo errornan awor un bes y
no despues.

VIRGO-24 di augustus-23 di sep-
tember -Aunque bo ta desea di
evita e detallenan di bo actual
preocupacion, no prospone nan
mas.

Bo mester tin un tiki di pedio-
sidad pa bo tin exito.

DUNLOP

ta
tyrenan
di calidad!

**TUR TAMAÑO NA
EXISTENCIA.**

Agente na Aruba:
**N.V. WARENHUIS
VAN DER REE**
Oranjestad - tel. 1213

LIBRA-24 di september - 23 di
october-Si bo no por realisa e
cosnan na bo propio manera, lo
ta mihor si bo ponenan un ban-
da.

ESCORPION-24 di october - 22
di november -Esaki no ta un di
e mihor dianan pa bo inclina bo
mes hacia lo oculto y lo misti-
co.

SAGITARIO-23 di november - 22
di december-Aunque bo ta sinti
cu nan no ta renunorando
bo bon, bo mester tin pasen-
shi. E cosnan lo worde arre-
gla prome cu hopi tempu pasá.

CAPRICORNIO-23 di december -
20 di januari -Hasi tur bo po-
sibel pa bo no perhudica ningun
hende, pues de lo contrario lo
bo causa enemigo tambe.

ACUARIO-21 di januari - 19 di
februari-Mal entendimentu lo
hasi cu nan lo critica bo carac-
ter. Hasi un esfuerso pa bo ami-
gu y parientenan comprende.

PISCIS-20 di februari - 20 di
maart -Acepta e oferta cu nan
hasi y no trata di hasi e cos-
nan bo so, pues bo por perde tur
e probabilidadnan cu mester tin
exito.

"Tur loke a pasa ta, cu mi
tabata tin un desacuerdo cu mi
jiu di crianza. Foy ki tempo ta
permiti pa otro hende inescia
den nos asunto privá?" "Bo ma-
nera di actua ta henteramente
otro cu un simple desacuerdo.
Si nos no a interveni, lo bo a
agrega un morto mas na bo
cantidad di crimennan! Porfin
von Grooten a comprende.
E ta sigi.....

Tortura di un amor NOVELA

No. 30.

Bo mes nosa esey. Ami
sin embargo lo mester spera e dia
cu bo ta bay bek serca dje. Iulia
lo keda entre nos dos, manera
semper el a haci. "Andrea a ha-
la rosea pisá, prome cue sigui.
"No pone bo cara tristo asina, Ni-
co. Despues lo bo ta contento, cu
mi a stop bo. di hací un coy bobo.
Mi mester gradicibo, pa tur cos
bunita cu nos a yega di pasa hun-
to, esnan mahos, mi kier lubida.
Pero awor, Adios! No laga nos
warda e despedida mastempo".
Prome cu Nico a compronde to-
talmente, Andrea a los sucupay
desparce meimei di e parehanan
cu ta bailando. "Andrea!" E ta
trata di sigui, pero tur caminda
nan ta tene un poco. E ta rondia
tur caminda, pero e nopor haya
su senjora. "Nico, unda bo ta bay
purá asina?" "Mi mester haya mi
senjora, Thomas. Awor ey, nos a
caba di papia cu otro. Un conversa-
cion masha cordial. Tocante

Iulia. Andrea ta aki den ainda ?
Por favor, bisami!" "Pero no
Nico. Mi a caba nír sali." "Ken
boso ta busca? Andrea?" Stefana
a bin sercanan. "El a bay cas, pa-
sobra e no ta sinti su culpa bon.
Mi a duné e yabi di nos auto." E
mociona e Conde ta despedi, Kizas
Andrea kier bay lagami awenochi
mes. Pero lo mi strobé". "Po-
bercito!" Thomas a duné un man
fuerte. "Bo mester tene un poco
pasenshi, despues tur cos lo wor-
de reglá." "Danki, Thomas, mi sa
cu mi por conta cu bo!" Sr. Brit
a keda miré. Despues el a drey
mira e otro invitadonan. Unda ba-
ronesa Petra ta? Ya el a bay na e
paviljoen?" Dios gracias cu An-
drea a conta Stefana cu e tin un
afspraak. Asina Thomas sa, na
unda e por haya e baronesa.

Sin cu ningun hende a ripara
Sr. Brit a bay hende a ripara di
dokter Hauser y a bisé. Despues

el a sali via e terras bay den
e parke. Ta un anochi scur. E
luna ta sconde tras e nubianan.
Solamente door di e porta habri
un claridad di lus ta sali pafo.
Sr. Brit ta cana door di e fin-
ca y pronto el a desaparece den
e matanan grandi di e parke.
"Eynan!" El a keda para ma-
nera clabá na e voer. No ta-
bata un grito desesperá. E ta
tene su rosea aden. Petra e ta
pensa. E ta den peliger. Su co-
razon ta bai extra duro. Atrobe
e ta tende un grito desesperá.
Pero e biaha aki Sr. Brit a ha-
ya sa di unda e grito ta bini.
Poco poco, scondiendo tras di e
matanan, e ta aserca e tem-
pel di piedra. E ta tende un stem
brutal!". "Bo kier stop di g-
rita! Si bo grita un biaha mas,
lo mi serra bo boca pa eterni-
dad!" Esey ta Arthur von Groo-
ten. Sr. Brit no a spera otro.
"Kinipi numa" Petra ta keña,
"e ora ey bo ta deshaci di un
testigo fastioso!" "Bah, esey
lo bo kier", von Grooten ta bi-
sa hariendo. "Sin prueba bo no
por haci nada. Y ta pesey mi
ta pidbo pa ultimo biaha: Na-
mi e papelnan bek! Mi sa, cu
bo a horta nan, demonio malo!"
Bo no ta pone bo pia mas na
Angerhof. Bo mama ta haci lo-
ke ami kier!" "Awor no mas"
Petra a contesta seco. "Awor

no mas, ya cu mi por mustre
ki sorto di miserabel bo ta!"
"Bo no ta bay haci nada! Pa
ultimo biaha: Duna mi e papelnan,
sino mi ta serra bo boca
pa eternidad." Na e sonido
stranjo, Sr. Brit por a tende
cu en berdad von Grooten ta pri-
mi Petra su garganta mas duro.
Net e kier a bula riba dje, ora
cu el a tende Petra su stem ta
grita: "Ilamas lo bo por mata-
mi, pasobra hamas lo bo haya
sa, unda e pruebanan di bo cri-
mennan ta!" "Diablo falso!"
Thomas a tende un silá. Peropro-
me cu e bandido a haya chens
pa dal e segundo silá, el a ten-
de un stem su tras cu ta orde-
ná: "Manos arriba, von Grooten,
sino mi ta tirabo!" Un flas light
a dal sende, y un otro mas.
Despues di Sr. Brit, tambe dok-
ter Hauser a jega, y a para di
tal manera cu von Grooten no
por scapa. "Demonio", e donjo
di Angerhof ta grita "E diablo
ey a hincami den trampa!" "No
purba huy!", Thomas ta bisa,
inientras e ta pone su revolver
serca di cara di von Grooten.
Lo mi no corbadia, si mi mes-
ter tira". "Di unda sa sali,
cu ta net akinan, bo ta bin a-
tacami?". di repente von Groo-
ten su vos a cambia. "No ha-
ci bo mes ridiculo", Sr. Brit
a contesté. "Mi a tende masha
bon, loke ta pasando akinan."